

ԹԱԳԱՎՈՐՆ ՈՒ ՉԱՐՉԻՆ

(Ջուղայի գաղթից)

- Հե՛յ, լավ մանրո՛ւք,
 Ասե՛ղ, հուլո՛ւնք,
 Մատնի՛ք, մարջա՛ն,
 Ապարանջա՛ն...
- 5 Հա՛վ, ձո՛ւ բերե՛ք,
 Առե՛ք, տարե՛ք,
 Խունջիկ-մունջիկ
 Հարսն ու աղջի՛կ,
 Էժա՛ն կըտամ,
- 10 Լա՛վը կըտամ...
 Էսպես կանչելով՝ փողոցից փողոց,
 Իբրև թե շարշի մի թափառական,
 Չարչու կերպ մըտած, ինչպես վիշապ օձ,
 Անցնում էր ինքը՝ Շահ-Աբաս արքան:
- 15 – Հե՛յ, ո՞վ կուզի թել ու ասե՛ղ,
 Դուրս եկե՛ք, դո՛ւրս, ինձ մո՛տ, էստե՛ղ...
 – Չարշի ախպե՛ր, շարշի ախպե՛ր,
 Ասեղ ունի՛ս, էս կողմը բեր:
 Կանչեց մի կին՝ հայ գաղթական,

- 20 Ու մոտ գընաց շարշին կընկան:
– Օ՛, ի՛նչ ասեղ, իսկն օձի քիստ...
Թոփը մի հաց...
– Վո՛ւյ, թանկ է խիստ...
– Է՛, մի՛ խոսիր, քուրի՛կ, էդպես,
- 25 Շահի կյանքը թե կըսիրես:
– Ամա՛ն, հողեմ գլուխը Շահի,
Աստված Շահից հեռու պահի.
Արեդ ապրի, շարշի ախպեր,
էդ անունը բերան մի՛ բեր:
- 30 – Վա՛հ, էսքան էլ շար լինի մա՛րդ.
Ի՛նչ է արել Շահը ձեզ վատ:
Գազան թուրքի սըրից փըրկել,
Զոր Զուղայի քարից պոկել՝
Բերել է ձեզ առատ Փարիա,
- 35 Աչքն էլ քաղցըր միշտ ձեզ վըրա...
– Օ՛Ֆ, հերիք է, շարշի ախպե՛ր,
Մի՛ խոսեցնիր ինձ գըրանից:
Երնեկ գըրա ոտը կոտրեր՝
Զըգար հաներ մեզ մեր տանից:
- 40 Եկավ վարար հեղեղի պես,
Զարկեց մեր շեն, մեր լի Զուղան,
Ոչ Աստըծուն նայեց, ոչ մեզ,
Սըրբեց բերավ ողջ տեղահան:
Թող արինք փակ մեր տուն ու ժամ,
- 45 Բանալիներն Արազն ածինք,
Սարի ուսից վերջին անգամ՝
Ետ նայեցինք ու կանչեցինք.
«Աստվածածի՛ն Վերին Կաթան,

- Քեզ ամանաթ մեր սուրբ վաթան,
50 Ուր որ գընանք մեր վաթանից՝
Մեզ դարձըրու գերությունից»:
Աղաչեցինք աղերսելով,
Ետ շուռ եկանք ու անց կացանք.
Ծեծով, կոծով, հըրով, սըրով՝
55 Ծով Արազի ափը հասանք:
Արազը ծո՛վ, Արազն ելմա՛ն,
Գուրս է եկել իր ափերից.
«Անցե՛ք», եկավ մեզ հըրաման.
Շահն է հրաման տալիս վերից...
60 Ետևը սո՛ւր, առաջը ջո՛ւր,
Սո՛ւգ, վայնասո՛ւն, իրարանցո՛ւմ,
Բառաչում են մեծ ու պուճուր,
Իրար գըրկած՝ գետը լըցվում...
էն սև օրը, որ մենք տեսանք,
65 Քո թըշնամին թող չըտեսնի...
Ա՛խ, երբ պիտի մին էլ տեսնենք՝
Մեր անեծքը երկինք հասնի...
Ու գալիս են շարշու գըլխին
Կիտվում պանդուխտ, գերի հայեր.
70 «Անե՛ճք Շահին, իրեն գահին»,—
Անիծում են երկինքն ի վեր:
Շուռ են գալիս իրենց բընում
Չարշու աչքերն ըսպառնալի,
Չենն ու ոտը դող են լինում,
75 Ու սևակնած հարց է տալի.
— Շահի առջև հապա էնօր
Գոռում էիք միաբերան,

- Թե ապրում էք դուք բախտավոր
Ու օրհնում էք թախտն ու իրան...
80 — Սուտ էր, ախպե՛ր: Դու մեզնից մեկն՝
Ինչ թաքցընենք մենք քեզանից,
Բայց մեր սիրտը ո՞նց չըծածկենք
էն մարդակեր չար գազանից:
Սուտ էր... Ու միշտ, քանի որ կա
85 Շահ ու գերի, ըստրուկ ու տեր,
Զի լինելու երկրի վըրա
Ո՛չ շիտակ խոսք, ոչ կյանք, ոչ սեր...
Մռընչաց չարշին, աբեն շըպըրտեց,
Դուրս ելավ տակից Շահ-Աբասն ահեղ,
90 Նաջաղը ցոլաց, իջավ շեշտակի,
Գերի ծերունին փըռվեց տեղնուտեղ:
Փըռվեց... Ու միշտ, քանի որ կա
Շահ ու գերի, ըստրուկ ու տեր,
Զի լինելու երկրի վըրա
95 Ոչ շիտակ խոսք, ոչ կյանք, ոչ սեր: